

Reikningur

styrktarsjóðs Christians konungs hins nýnda í minningu 1000 ára-hátíðar Íslands fyrir árið frá 1. septbr. 1876 til 31. ágúst 1877.

138
20. sept.

Tekjur:		kr.	aur.
1.	Eptirstöðvar frá fyrra ári [Stjórnart. 1876 B 135]:		
	a, innritunarskírteini litr. C, fol. 3609, að upphæð 8400kr. » a.		
	b, lagt í sparissjóðinn í Reykjavík 132 — 84 -	8532	84
2.	Vextir til 11. júní 1877	340	37
	alls	8873	21
Gjöld:		kr.	a.
1.	Heiðursgjafir veittar árið 1876—77:		
	a, prófasti sira Guðmundi Einarssyni á Breiðabólstað 200kr. » a.		
	b, Jónasi Símonarsyni á Svinaskála í Suður-Múlas. 120 — » -	320	"
2.	Eptirstöðvar við lok reikningsársins:		
	a, innritunarskírteini litr. C fol. 3609 8400 — » -		
	b, í sparissjóði og í peningum 153 — 21 -	8553	21
	alls	8873	21

Landshöfðinginn yfir Íslandi, Reykjavík, 20. septbr. 1877.

Hilmar Finsen.

Jón Jónsson.

Stjórnarbrjef og auglýsingar.

— *Brjef ráðgjafans fyrir Ísland til landshöfðingja um nokkur atriði í fjárlögum um 1878—79.* — Um leið og yður eru hjer með send, herra landshöfðingi, nokkur exemplör af fjárlögum um árin 1878 og 1879, er konungur staðfesti 19. p. m. (Stjórnartíð. A 17), prentuð sjer í lagi, ásamt athugasemdunum við frumvarpið til þeirra, bæði handa sjálfum yður, og svo til útbýtingar meðal hlutaðeigandi embættismanna, — skal vísað í fyrirmæli þau, er bent er til í brjefi frá dómsmálastjórninni 20. febr. 1866, sbr. brjef frá stjórnardeildinni íslenzku 15. apríl 1851 og 4. marz 1871, að því er snertir reglur um greiðslu launa þeirra m. fl., er tilgreind eru í hjálögðu yfirliti yfir útgreiðslur samkvæmt 10.—13. gr. fjárlaganna.

139
26. okt.

Jafnframt þessu skal eigi undan fellt að tjá yður það sem nú skal greina, eptir þar til gefnu tilefni í þóknanlegu brjefi yðar 3. f. m.

Að því er snertir þá spurningu, hvort aðgerðin á dómkirkjunni í Reykjavík, er veittar eru til 5000 kr. í fjárlögum, 10. gr. C. 9., eigi að fara fram á sumri komanda, þá er eigi hægt að afráða neitt um það fyr en útgjört er um, hvort leitað verður staðfestingar konungs að frumvarpi því um kirkjutíund í lögsagnarumdæmi Reykjavíkurkaupstaðar, er alþingi hefir samþykkt. En um það verður eigi útgjört fyr en búid er að kynna sjer betur málið hjer af umræðunum um það á alþingi.

Samkvæmt tillögum yðar um skiptingu á þóknun þeirri, 1200 kr., er veitt er í 10. gr. C 10. handa landbúnaðarnefndinni, er skipuð var samkvæmt konungsúrskurði 4. Hinn 19. desbr. 1877.

139 26. okt. nóvember 1871, virðist ráðgjafanum ekkert því til fyrirstöðu, að láta nefndarmenn sjálfa skipta þóknuninni milli sín, en verði þeir eigi ásáttir um skiptin, skuli landshöfðingi gjöra út um málið.

Eptir því sem þjer skýrið frá, herra landshöfðingi, hefir þegar á þessu ári verið greitt út nokkuð af fje því, 2000 krónum, er veitt er í 10. gr. C 11 til þess að taka þátt í minningarhátið háskólans í Uppsöllum. Þessu verður að reyna að bæta úr svo sem hægt er, og eruð þjer því þjónustusamlega beðnir, að gjöra svo vel að láta telja það, sem greitt hefir verið út í þessu skyni, með *værsíru*-gjöldum í þessa árs jarðabókarsjóðs-reikningi, og setja það eigi í reikningsyfirlitið sjálft fyr en að ári.

Að því er snertir skipun 5. undirkennara-embættis, er laun eru ætluð til í 13. gr. B III, verður ráðgjafinn að vera á sama máli og þjer um það, að eigi skuli veita það fyr en frá byrjun skólaársins 1878—79, og það því fremur, sem eigi verður takandi í mál að taka upp gagnfræðakennslu í skólanum, samkvæmt 18. gr. í reglugjörð fyrir hinn lærða skóla í Reykjavík 12. júlí þ. á., fyr en við byrjun þess skólaárs.

Að því er snertir fyrirkomulag á umsjóninni í hinum lærða skóla hafid þjer, herra landshöfðingi, óskad úrskurðar ráðgjafans um það, hvort það sje skylda undirkennara skólans, samkvæmt lögum 15. oktbr. 1875, 2. gr., að hafa á hendi umsjónina þar, gegn þóknun eða endurgjaldslaust, og hvort hafa eigi nokkurn fyrirvara í þá átt, þegar hið umgetna nýja undirkennaraembætti verður auglýst. Við spurningu þessari verður að kveða afdráttarlaust nei, að því er snertir kennarana sem nú eru, og skipaðir hafa verið í embættin fyrtr 1. janúar 1876; og það er meira að segja um ókomna kennara, að ráðgjafinn er ekki á því, að á þá verði lögð sú skylda eptir tjeðri lagagrein, að taka að sjer umsjónina, hvort heldur er fyrir þóknun eða endurgjaldslaust, með því að þessi starfi er sýsla út af fyrir sig, er eigi heyrir til embættis þeirra, og hefir hingað til eigi verið skodad sem embættisstarf, er fylgdi kennarastöðunni, heldur verið veitt þóknun fyrir það sjer í lagi. Auk þess verður að gæta þess, að það væri gjöræði, að leggja slíkt starf á einhvern kennaranna, með því að eigi verður sagt, að það heyrir fremur til einu undirkennaraembættinu en öðru. Hins vegar mætti raunar setja það skilyrði, er hið nýja kennaraembætti væri auglýst, að sá, sem það fengi, ætti að taka að sjer umsjónina, jafnvel endurgjaldslaust; en það mundi þó naumast ráð, með því að það er öldungis óvíst, að sá, sem sækir um kennaraembættið, sje fallinn til að hafa þessa sýslu á hendi, og mætti auðveldlega svo að bera fyrir þá skuld, að maður, sem að öðru leyti væri vel fallinn til embættisins, ljeti þetta aptra sjer frá að sækja um það.

Með því að útgjaldaliður sá, er tilgreindur er í 13. grein B III c 9., mun vera á fallinn á árinu sem nú er að líða, eptir því sem þjer skýrið frá, verður að fara eins að með hann og að framan segir um C 11 í 10. grein.

140 26. okt. — *Brjef ráðgjafans fyrir Ísland til landshöfðingja um skrifstofukostnaðar endurgjald amtmannanna.* — Með því að alþingi hefir synjað hækkunar á skrifstofukostnaðar-endurgjaldinu handa amtmanninum yfir suður- og vesturumdöminu og handa amtmanninum yfir norður- og austurumdöminu, 200 kr. um árið handa hvorum, svo sem farið var fram á í frumvarpi til fjárukalaga um árin 1876—1877, þar sem þingið felldi frumvarp þetta gjörsamlega, en nú mun vera búid að greiða hlutadeigendum fje þetta mestallt, samkvæmt brjefi frá ráðgjafanum 28. febr. 1876 [Stjórntart. 1876 B 24], eruð